











# НАТИЖАЛАР СЎЗДА ЭМАС, АМАЛДА БЎЙ КЎРСАТМОҚДА



### Эркинжон ТУРДИМОВ, Самарқанд вилояти ҳоқими:

— Президентимиз Шавкат Мирзиёевнинг Самарқандга ташрифи вилоятни ижтимоий-иқтисодий ривожлантириш, аҳоли турмуш фаровонлигини юксалтиришга хизмат қилувчи муҳим воқеалардан бири бўлди. Чунки ушбу учрашув ва мулоқотлар чоғида давлатимиз раҳбарига ҳудудимиз истиқболига оид кўплаб лойиҳалар тақдим этилди.

Эътиборли жиҳати, халқ депутатлари Самарқанд вилояти Кенгашининг навбатдан ташқари сессиясида туман ва шаҳар фаоллари Президентимизга мурожаат қилиб, ўзлари яшаётган ҳудудлардаги мавжуд муаммоларнинг ҳал этилишида амалий кўмак сўраш имконияти-

га эга бўлишди. Хусусан, йиғилишда Ургут тумани аҳолиси талабидан келиб чиққан ҳолда, ушбу ҳудудда кўп қаватли уйлар қуриш масаласи ҳам кўтарилди.

Шундан келиб чиқиб, айтилган туман марказида “Agromir Buildings” МЧЖ томонидан “Камангарон” маҳалла фуқаролар йиғини ҳудудидagi маҳаллий ҳоқимлик захира ер майдонлари ҳисобидан 10 та 10 — 14 қаватли, 1 406 хонадонли арзон кўп қаватли уй-жойлар қурилиши белгиланди.

Бугунги кунда туманда 100 минг кишилиқ “Янги Ургут” замонавий уй-жой комплекси қурилиши учун туман ҳоқимининг 2019 йил 28 январдаги қарорига асосан, 103,3 гектар ер майдони ажратилди. Лойиҳа-смета ҳужжатлари ишлаб чиқилмоқда, қурилиш майдони тайёрланмоқда.

### Шавкат ХАМРАЕВ, Ўзбекистон Республикаси сув ҳўжалиги вазири:

— Халқ депутатлари Самарқанд вилояти Кенгашининг навбатдан ташқари сессиясида Ургут туманидаги “Янги ариқ” ММТП раҳбари Барно Мамадалиева томонидан қўшни Тожикистон Республикаси ҳудудида жойлашган “Уч Қаҳрамон-1” ҳамда “Янги Ургут” каналидан сув оладиган “Янги Ургут” насос станциялари бўйича кўтарилган масалалар жойида атрофлича ўрганилди.

“Янги Ургут” насос станцияси 1970 йилда ишга туширилган. 6 та “18 НДС” русумли насос, 6 та “250/735 об.мин.” русумли электр двигатели ўрнатилган. У орқали 1 465 гектар экин майдони сугорилади. Ушбу гидроқурилмадаги насослик кириш каналини мунтазам лойқа босиши оқибатида келиб чиқмоқда.

Ана шу ҳолатларни ҳисобга олиб, муаммолар



### Шерқод ШЕРМАТОВ, Ўзбекистон Республикаси халқ таълими вазири:

— Давлатимиз раҳбари Самарқанд вилоятига ташрифи давомида таълим соҳасини янада ривожлантириш, уни жаҳон андозалари даражасига олиб чиқиш борасида амалга оширилаётган ишлар, мавжуд муаммолар билан қизиқди, уларни ўз вақтида бартараф этиш бўйича зарур топшириқлар берди.

Ушбу вазифалар ижросини таъминлашга зудлик билан киришдик. Хусусан, Самарқанд вилояти ҳоқимлиги билан ҳамкорликда ҳудудда халқ таълими тизимини такомиллаштириш бўйича “Йўл харитаси” ишлаб чиқдик. Ҳозирги кунда мазкур ҳужжатда белгиланган чора-тадбирларни ҳаётга тат-



### Агрипина ШИН, Ўзбекистон Республикаси мактабгача таълим вазири:

— Президентимиз қайси вилоят ёки ҳудудга бормасин, албатта, навқирон авлод тақдирини билан қизикади. Самарқанд вилоятига ташрифи давомида ҳам 2021 йилгача ҳудудда болаларни МТМга қамраб олиш даражасини 70 фоизга етказиш бўйича зарур топшириқ ва кўрсатмалар берди.

Дарҳақиқат, вилоятда уч — етти ёшли болалар сонин 305 минг 68 нафар бўлиб, уларнинг 88 минг 694 нафари 986 та мактабгача таълим муассасасига қамраб олинган.

Бу борадаги кўрсаткич, айниқса, Нуробод туманида яхши эмаслигини кўйидаги маълумотлар ҳам тасдиқлайди: бу ерда 12 минг 876 нафар боғча ёшдаги боланинг атиги 1 минг 906 нафари (14,8 фоиз) мактабгача таълим муассасаларига катнайди. Бу ушбу ҳудудда эрта эгаларнинг келажаги учун зарур шароитларни яратиш долзарб масаласига айлангандан далоят.

Юртбошимиз халқ депутатлари Самарқанд вилояти Кенгашининг навбатдан ташқари сессиясида туман фаолининг бу ҳақдаги мурожаатини жон кулги билан тингладим. Кўнучлик билан мазкур муаммоларни бартараф этиш юзасидан муҳим топшириқлар берди.

### Шўҳрат НАЗАРОВ, Ўзбекистон Республикаси Автомобиль йўллари давлат қўмитаси раисининг биринчи ўринбосари:

— Сессияда Кўшраб туманидаги “Жўш ота” маҳалла фуқаролар йиғини раиси Абдуаллим Носиров Кўшраб ва Нурота туманларини боғловчи 45 километрлик асфальт йўл капитал таъмирга муҳтожлиги юзасидан мурожаат қилган эди. Шунда давлатимиз раҳбари ушбу муаммони ҳал этиш бўйича бизга таклиф киритиш топширигини берганди.

Айтиш жоизки, мазкур йўл ўтган асрнинг 70-йилларида қурилган. Айни кунда, у чиндан ҳам, таъмирталаб ҳолда. Бунинг ўзига яраша сабаблари бор. Мисол учун, мазкур автомобиль йўли бир ўққа тушадиган оғирлик 5-6 тоннагача оғир кўтаришга мўлжалланган. Ундан ортиқ ҳажм йўл ҳолатини “из”дан чиқараверди. Бироқ шу кўнрача ушбу йўлдан “Зармитан” олтин кони ҳамда Навоий кон-металлургия комбинати бир ўққа тушадиган оғирлик 11 — 13 тонна атрофидаги оқлар ташиб ўтилган.

Албатта, бу йўлни жорий таъмирлаш масаласи ҳам эътибордан четда қолиб кетгани йўқ. Аммо жорий таъмирлаш билан капитал таъмирлаш ўртасида катта фарқ бор. Агар йўл капитал таъмирланса, сифати ҳам шунга

яраша бўлади, яъни оғир юк машиналари билан ҳаракатлашиш имконияти яратилади.

Шу боис Вазирлар Маҳкамасига таклиф киритилган эди. Унга кўра, мазкур автотранспорт йўли 2019 — 2022 йилларда босқичма-босқич равишда капитал таъмирлаш чора-тадбирлар дастурига киритилиш ва уни амалга ошириш борасидаги дастлабки ишлар бошлаб юборилди.

Очиги, 45 километрлик асфальт йўлни қисқа вақтда транспорт воситалари ҳаракатини тўxtатиб қўйган ҳолда капитал таъмирлашнинг имконини йўқ. Буни тўғри тушунишимиз керак. Шу мазнода, мазкур масалани “Навоий” кон-металлургия комбинати билан келишилган ҳолда, босқичма-босқич бартараф этиш режалаштирилган.




### Таймур НАРЗИЕВ:

Айни пайтда бу борда зарур чора-тадбирлар қўрилмоқда. Шунинг учун унутмаслик керакки, мазкур жараён шомашоарлик билан бўлмаслиги лозим. Бунда кенг қўлланми лойиҳа-қидирув ишларини олиб бориш шарт. Шундан келиб чиққан ҳолда, ҳозирги кунда таъмирталаб асфальт йўл таркиби, унинг остидаги намлик, сув сатҳи ва бошқа геологик ҳолатлар мутахассисларимиз томонидан ўрганиб чиқилляпти. Урганишлар натижалари ҳамда соҳанинг малакали мутахассислари тавсиялари асосида “Навоий” кон-металлургия комбинати билан ҳамкорликда жорий йил биринчи ярим йилги оралиғида таъмирлаш ишларини бошлаш кўзда тутилган.

## ҲАРБИЙ ХИЗМАТЧИЛАР ЎТА МУРАККАБ ШАРОИТЛАРДА ЖАНГОВАР ТАЙЁРГАРЛИгини ОШИРДИ

Жануби-ғарбий махсус ҳарбий округга қарашли “Пачкамар” дала-ўқув майдонида Мудофаа вазирлиги ҳарбий хизматчилари учун навбатдаги амалий машғулотлар ташкил этилди.



Мардлар қўриқлайди Ватанни

Дастлаб ҳарбий хизматчилар турли-туман тўсиқлардан иборат йўлақдан ўтишди. Бу орқали уларнинг жисмоний тайёргарлиги кўздан кечирилди. Шундан сўнг отиш машғулоти бўлиб ўтди.




Уточар қуроллардан ўқ отиш машғулотида алоҳида ва гуруҳ таркибида амалий машқларни бажариш чоғида иштирокчиларнинг эгаллаган билим ва кўникмалари тўлақонли намоён бўлди.

Мерғанларга қўйилган талаб, аввало, кўза ташланмаслик, товуш чиқармаслик, душманини исталган масофа ва ҳолатда беҳато нишонга олишдир. Ўтказилган машғулотларда ҳам асосий эътибор ҳарбий хизматчиларнинг жанговар руҳини юксалтиришга қаратилди, — дейди “Содик

Таймур НАРЗИЕВ. Ҳасан ПАЙДОЕВ олган суратлар.

## БОЛА АЛИМЕНТГА ЭМАС, ОТА МЕҲРИГА ТАШНА

Оила ҳаёт абадийлиги, авлодлар давомийлигини таъминлайдиган, урф-одатлар сайқал топадиган, келажақ авлод қамолотига беvosита таъсир кўрсатадиган тарбия масканидир. Шу боис халқимиз уни муқаддас санайди, унинг мустаҳкамлиги учун интилиб яшайди.



### Оила — муқаддас қўргон

Лекин “Гуруч қурмаксиз бўлмайди”, деганларидек, орамизда ушбу улўз қўргонга дарз етказаетган кишилар учраяпти. Оқибатда айрим оилаларда асосли ёки асосиз сабаблар билан ажримлар кузатилмоқда. Натижада алимент қарздорлари кўпаймоқда.

Ўзбекистон Республикаси Бош прокуратураси Мажбурий ижро бюроси томонидан нафақат алимент ундириш билан боғлиқ ижро ишлари қўриб чиқилляпти, балки низоли оилаларни яраштириш чоралари ҳам қўриллаётир.

Жумладан, Мажбурий ижро бюроси Ўзбекистон бўлими томонидан алимент ундириш юзасидан жорий йилнинг 28 — 30 январь кунлари олиб борилган тушунтириш ишлари натижасида 5 та оила яраштирилди. Хусусан, фуқаролик ишлари бўйича Ўрта Чирчик туманларaro судининг суд буйруғига асосан, ундирувчи Н. Бўтаева фойдасига воёга етмаган уч нафар фарзанди таъминоти учун ҳар турдаги даромадидан 1/2 қисм қўрида алимент ундириш ҳақидаги суд буйруғи МИБ туман бўлими иш

юритувига шу йилнинг 23 январь кунин келиб тушган эди. Олиб борилган тушунтириш ишлари натижасида қарздор ва ундирувчи яраштирилишига эришилди.

Ушбу даврда 25 та ижро иши бўйича қарздорлардан жами 32 миллион 450 минг сўмдан кўпроқ алимент пуллари талабгорларга ундириб берилди. Бу маблағлар мазкур оилаларда қамолга етаётган фарзандларнинг моддий эҳтиёжлари йўлида сарфланади.

Бироқ бола қалбидagi ота меҳрига бўлган ташналикни моддий воситалар билан қондириб бўладими, деган ўй ўтади кўнгилдан. Мажбурий ижро бюроси, аввало, оиладаги муҳит соғломлигини қайта тиклашга эътибор қаратаётгани эса эътирофга лойиқ, албатта.

Фазлиддин АБИЛОВ, “Халқ сўзи” мухбири.

**Халқ сўзи**  
**Народное слово**

МУАССИСЛАР:  
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

**Бош муҳаррир Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 256. 68 723 нусxada босилди, ҳажми — 3 табоқ, Офсет усулида босилган. Қогоз бичими А—2. Баҳоси келишилган нархда.

ТЕЛЕФОНЛАР:  
Девонхона 71-233-52-55;  
Котибият 71-233-10-28; Ўзломлар 71-232-11-15.

Тахририятга келган қўлашмалар тақрир қилинмайди ва муаллифга қайтарилмайди.  
Газетанинг сўзасиз берилиши учун обунани расмийлаштиришга ташкилот жавобгор.  
Газета тахририят компьютер марказида термили ҳамда оператор М. Бегмуратов томонидан саҳифаланади.  
Газетанинг полиграфик жиҳатдан сифатли чоп этилишига “Шарқ” напирiet-матбаа акциядорлик компанияси масул. Босмахона телефони: 71-233-11-07.

**“Шарқ” напирiet-матбаа акциядорлик компанияси босмахонаси. Корхона манзили: “Буюк Турон” кўчаси, 41. ЎЗА яқуни — 02.10 Топширилди — 04.00 1 2 3 4 5 6**